

Bibel fa Kjinja
brinjt junt

Jesus jeft
5000 Menschen
to äten



Jeschräwen von: Edward Hughes

Jemolt von: Janie Forest
Alastair Paterson

Toom Pauss jestalt von: Ruth Klassen

Äwasat von: Ed Zacharias

Hääjestalt von: Bible for Children
www.M1914.org

©2020 Bible for Children, Inc.

Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.



De Farisäa, de judsche Leidasch, vetalden Lääjes
von Jesus. Eenje wullen am doot haben. See
jleewden nich daut hee
werkjlich Gott sien
Sän wia.



See wieren jaaen am, wan hee uk
Wunda deed toom wiesen
daut hee von Gott
kjeem.




Een Dach fua Jesus äwa daut Galiläische Mäa.
Veleicht wull hee sikj reiwen von emma met soo
väl Menschen sennen. Oba een
Schoof Menschen jinjen
am hinjaraun. See wullen
mea Wunda seenen un
hieren waut hee säd.




Jesus jinkj met siene Jinja no eene velotne
Städ oppem Boajch. Doa saut hee un lied
an. Mea un mea Menschen kjeemen
no am. Daut wort Owent,
un aule worden
hungrich.



Jesus kijkt nu al die Lied. "Wua kjenn wie Broot kjeepen, daut dise aula äten kjennen?" fruach hee Filippus. Doa wia kjeen Stua. Waut wull Jesus doonen?




"Daut wudd sea vël kosten toom aul dise Menschen waut jäwen," säd Filippus. Jesus un de Jinja hauden nich vël Jelt.




Een aundra Jinja,
Andreas (Petrus sien
Brooda) säd to Jesus,
"Doa es een Jung hia
met fief Brootjes un
twee Fesch."



"Oba waut es daut fa soo vël?" Andreas wist nich woo däm Jung sien Äten soo vël Menschen halpen wudd, uk wan hee daut wiedajäwen wull.



Jesus säd, "Seet doano daut de Menschen sikj
dolsaten." Doa saden sikj bie 5000 Mana dol.
Denkj die! 5000! Dan
hauden see noch
nich de Frues
un Kjinja
jetalt.




Dan neem Jesus de Brootjes un
Fesch. De kjliena Jung haud een
grootet Vetruen opp Jesus.
Hee wist nich waut Jesus met
daut Äten doonen wull. Hee
haud Jesus daut jejäft wan
hee veleicht
uk jedocht
haft daut
hee nuscht
kjrieen wudd,
wan hee
am daut
jeef.



Dan bäd Jesus un dankt
Gott. Fa fief Brootjes
un twee Fesch?


Jo, Jesus säd
dankscheen
to Gott, un
fruach am
daut to
säajnen.



Aus hee jebät haud,
bruak Jesus daut Broot
un de Fesch un leet de
Jinja daut no de groote
Hääd Menschen droagen.
Nu sagen de Menschen
waut Jesus fa een
Wunda deed. Jieda
eena eet soo vül aus hee
wull, un doa wia jenuach
fa aulem.



Aus see aula jejäten hauden, wia doa noch waut
äwajebäläwen. Jesus säd de Jinja sullen daut toop
brinjen, soo daut nuscht vekomen wudd. See
saumelden 12 Kjarw voll Bieta waut von de fief
Brood un twee Fesch wieren äwajebäläwen.



Dän Dach jeef Jesus äwa 5000
Menschen to äten von däm kjlienen
Jung sient. Een aundretmol, jeef
hee 4000 Menschen von säwen
Brood un waut Fesch.



Mieeschte Menschen waut daut sagen
wieren nich doll, soo aus de Farisäa.
See säden leewa, "Dit es werkjlich
een Profeet dee enne Welt
nenjekomen es." See
wisten Jesus wia de
Heilant von däm
de Bibel ea
jesajcht
haud, daut
hee komen
wudd.



Jesus jefst 5000 Menschen to äten

Eene Jeschicht von en daut Wuat Gottes,
de Bibel

finjt eena en

Johanes 6

"Wan dien Wuat openboat woat,
jefst daut Licht." Psalm 119:130



Daut Enj



Dise Biblische Jeschicht sajcht ons von onsen wundascheenen
Gott, see ons jemoakt haft un ons well kjanenlieren.

Gott weet daut wie schlaichtet jedonen haben, waut hee Sind
nant. De Strof fa Sind es de Doot, oba Gott siene Leew fa ons es
soo groot, daut hee sienen eensjen Sän, Jesus, schekjt, daut hee
aum Kjriez stoawen sull un de Strof fa onse Sind nämen sull. Dan
stunt Jesus vom Doot opp, un fua no sien Tus em Himmel! Wan du
dän Gloowen aun Jesus hast, un am frajchst diene Sind to
vejäwen, dan deit hee daut! Hee kjemt dan un läft en die, un du
woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch
toom fa onse Sind to stoawen, un daut du nu wada läfst. Komm en
mien Läwen un vejeff mie miene Sinden, soo daut ekj nu nieet
Läwen haben kaun, un noch emol opp emma no die kom. Halp mie
daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

